



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Thesavrvs Casvum Conscientiæ**

Continens Praxim exactissimam De Censvris Ecclesiasticis, Aliisque Poenis, & Canonicis impedimentis, in Septem Libros distributus ...

**Sayer, Gregory**

**Venetiis, 1627**

ix. Quid circa pulsationem campanarum tempore interdicti liceat, & quid ei, cui aditus in Ecclesiam interdicatur prohibitum sit.

**urn:nbn:de:hbz:466:1-13883**

num. 12. §. vndecimo, Nauar. in Manual. ca. 27. num. 176. Henriquez lib. 13. de excom. & interd. cap. 44. §. 5. Vgol. Tab. 5. capit. 9. §. 4. & cap. 11. §. 1. num. 14. Quamuis enim ibi sepultus sit contra præceptum Ecclesie, multa tamen fieri prohibentur, quæ facta tenent, & maxime, quia cessante interdicto cessare debet, & prohibitio argum. capit. cum cessante, de appellat. & ita praxis obseruat, vt Henriquez vbi supra notauit.

3) *Dubium vndecimum est, An tempore interdicti licitum sit Clericis accipere mortuaria, siue funerealibus & alias oblationes etiam ab interdictis defunctis, & pro illis orare?* Respondet, si mortui sint cum signis penitentiae posse. Sic Calderin. tract. de Eccles. interd. memb. 6. par. 2. Innoc. in cap. Tanta, de excessi. prelat. Paluda. 4. d. 18. q. 8. in artic. 4. principali. §. Quantum ad sextum decimum. S. Anton. 3. par. tit. 27. de interd. ca. 4. vltra medium. Angelica, verbo interdictam 6. numer. 37. Tabiena, verbo interdictum 5. numer. 12. §. vndecimo. Syluest. verbo interdictum 5. §. 8. vers. 7. Nauar. in Manual. cap. 27. num. 174. Henriquez lib. 13. de excom. & interd. cap. 44. §. 5. Vgol. Tab. 5. cap. 11. §. 4. num. 2. & citant pro hoc cap. Quicumque intra, 11. q. 2. At verò si penitentes non sint, nec pro eis orandum esse eorum mortuaria recipienda sunt, arg. ca. fin. dist. 88. ex Paluda. Anton. & Syluest. cit. ceterum Ioann. And. in Clem. 1. de sepul. non ita simpliciter hoc concedere audeo, sed distinctione opus esse affirmat: Aut enim, inquit, Clerici ista accipiunt tempore interdicti pro sepultura de facto, restita contra interdictum, & sic illicite accipiunt, quia præsumuntur participes delicti; immo etiã non ipsi Clerici, sed alij contra voluntatem eorum sepelirent in loco sacro contra interdictum, adhuc Clerici ista recipere non possunt, quia participare videntur in crimine; sin verò mortui sepeliuntur extra Ecclesiam, non violaretur interdictum, & sic Clerici mortuaria licite accipere possunt. Et quamuis hæc Io. Andr. opinio in foro iudiciali locum habere possit, in quo statut præsumptionibus; in foro tamen conscientie, vbi cessat omnis præsumptio, locum non habebit. Vnde dicendum est, si quis tempore interdicti reclamantibus verè Clericis in Ecclesia sepeliatur, poterunt Clerici absque vilo scrupulo mortuaria accipere; Quia ex aliorum delicto non debent Clerici deterioris conditionis fieri, cessante ex parte ipsorum omni dolo, & fraude,

an pulsari queant.

- 9 Campana tempore interdicti ad concionem, seu prædicationem pulsari possunt.
- 10 Campana pro literarum Apostolicarum, aut aliarum publicarum scripturarum ostensione interdicti tempore pulsari poterunt.
- 11 Campana pro gestatione Sacramenti Eucharistie ad infirmos interdicti tempore pulsari possunt.
- 12 Campana ad festi solemnitatem populo significandam, non obstante interdicto, pulsari valent.
- 13 Campana pro quacunque alia re, quæ ad officium diuinum, sepulturam, & similia non pertinet, interdicti tempore pulsari possunt.
- 14 Campana pro omnibus officiis diuinis, non obstante interdicto, in festiuitatibus commemoratis in c. Alma mater pulsari possunt.
- 15 Ingressus in Ecclesiam cui prohibitus est, in Ecclesiam, quando diuina officia non celebrantur, ingredi potest.
- 16 Excommunicatus quare Ecclesiam ingredi non prohibetur.
- 17 Interdictus ne Ecclesiam ingrediatur, non solum in Ecclesiam interdictam consecratam, sed etiam in non consecratam, tempore, quo celebrantur officia diuina, ingredi prohibetur.
- 18 Interdictus ne Ecclesiam ingrediatur, in Ecclesia diuina facere nequit, in festis concessis in cap. Alma mater.
- 19 Interdictus cui est ingressus in Ecclesiam, Sacramenta in ecclesia ministrare nequit.
- 20 Interdictus ne in ecclesiam ingrediatur, alteri diuina facienti in ecclesia, neque vt clericus, neque vt laicus inferuire potest.
- 21 Interdictus cui est, ingressus ecclesie, nec Sacramenta sumere, nec orationes priuatas ibi, tempore diuinorum facere potest.
- 22 Episcopus interdictus ne in ecclesiam ingrediatur, Missam extra ecclesiam celebrare potest.
- 23 Interdictum de non ingrediendo ecclesiam, non ecclesie, sed personæ inhære censetur.
- 24 Interdictus ne in ecclesiam ingrediatur, si durante interdicto moriatur, nisi penituerit, neque in ecclesia, neque in cimiterio sepeliri potest, & quæ huius ratio sit.
- 25 Interdictum de non ingrediendo ecclesiam, in articulo mortis, per quemcunque Sacerdotem, siue generale, siue personale fuerit, relaxari potest.
- 26 Interdictus ne in ecclesiam ingrediatur, honorum, quæ ab ecclesia publice, aut priuatim fiunt, particeps est, & quænam huius sit ratio.
- 27 Indulgentiarum, an, & quando capax est is, cui ingressus in ecclesiam est prohibitus.
- 28 Indulgentie illis tantum profunt, qui illud faciunt, pro quo indulgentie conceduntur.

Quid circa pulsationem Campanarum tempore interdicti liceat, & quid ei, cui aditus in Ecclesiam interdictus, prohibetur sit. Cap. IX.

SUMMARIUM.

- 1 Campana ad horas Canonicas dicendas, vel ad Missarum celebrationem interdicti tempore pulsari non possunt.
- 2 Campana Clericorum ad horas Canonicas notificandas, quamuis deinceps officia diuina non recitentur, pulsari nequeunt, secus autem de laicorum campanis dicendum est.
- 3 Campanarum loco, alijs instrumentis, vt in triduo pasche si, interdicti tempore pulsare non licet.
- 4 Campana pro sepultura Clericorum quando pulsari poterunt tempore interdicti.
- 5 Campana ad salutationem Angelicam ter in die tempore interdicti pulsari possunt.
- 6 Campana pulsatio ad salutationem Angelicam vnde desumpta, & quinam huius institutores fuerint.
- 7 Campana in aduentu Prælati, aut Principis, non obstante interdicto pulsari possunt.
- 8 Campana pro reliquiarum ostensione tempore interdicti.

Quod pulsationem campanarum hæc communiter ab auctoribus traduntur.

Primo enim certum est, non posse pulsari campanas ad horas Canonicas dicendas, aut ad Missarum solemniam celebranda, etiam si clausis ianuis, & voce submissa horæ recitentur, & Missa celebretur, vt colligitur ex cap. Alma mater, §. adijcimus, de sent. excom. lib. 6. & DD. ibi. Calderin. de Eccles. interd. par. 1. §. sed nunquid. S. Anton. 3. par. tit. 27. de interd. cap. 4. prope finem. Panorm. in c. Quod in te, num. 4. de penit. & remiss. Ioan. And. Dominic. Ancharan. num. 6. Franc. in d. ca. Alma mater. Angelica, verbo interdictum 5. nu. 7. §. Sexto. Syluest. verbo interdictum 5. q. 5. vers. primam, & Sextam. Tabiena, verbo interdictum 6. num. 5. §. Quarto. Gonfal. a Villadiego, de integ. cap. 2. de interdicto. Nauar. in Manual. cap. 27. num. 177. Couar. in cap.

cap. Alma mater, par. 2. §. 4. num. 5. vers. Decimo tertio, de sent. excomm. lib. 6. Henriquez lib. 13. de excomm. & interd. cap. 46. §. 1. Vgol. de censur. Eccles. Tab. 5. c. 8. §. 2. Id quod procedit primo, siue intra Ecclesiam sint siue extra eam, longeque ab Ecclesia remotæ sint, alioquin fraus fieret contra cap. Quanto, de priuileg. & c. cum quid vna via, de regul. iur. lib. 6. Ratio est, quia earum pulsatio non ideo prohibita est, quod in Ecclesia sint, sed ne ipsæ ad officia diuina pulsantur, & ideo siue intra Ecclesiam sint, siue extra, ad officia diuina notificanda pulsari prohibentur. Secundo, eadem ratione nec parua campanula pulsari debet, qua conuocari solent Clerici ad horas dicendas. Tertio neque licet Sacristæ cum signo campanula conuocare hunc aut illum Sacerdotem ad Missam celebrandam, tum, quia prohibitum est pulsari campanas, c. Quod in te, de penit. & remiss. tum quia fieri potest, vt a vicinis audiantur. Sic Calderin. & alij vbi supra. Quarto procedit etiam in pulsatione campanæ tempore elevationis Eucharistiæ, neque enim tempore interdicti pulsari potest campana in signum elevationis SS. Corporis Christi in Missa, ex Couar. Vgolino, & alijs vbi supra.

2. Secundo, pulsari non possunt campanæ Clericorum, & Ecclesiarum pro singulis horis Canonicis, vt pro Tertia, Sexta, Nona, & huiusmodi notificandis, quamuis deinceps officia diuina tunc non recitentur, quia præsumeretur factum in fraudem ad horas recitandas, & homines inde scandalum paterentur, ex Calderin. vbi supra Anchar. in cap. Alma mater, nu. 6. de sent. excomm. lib. 6. Vgol. cit. Dixi, Campanas Clericorum, quia campanæ laicorum etiam ad horas istas notificandas pulsari possunt, ex S. Anton. & Tabiena locus proxime allatus; Immo verò si laici Clericorum campanas pulsarent sine consensu eorum ad istas horas notificandas, excusarentur Clerici cessante fraude & dolo, vt notant Ioannes de Deo, relatus ab Angelo verbo interdictum §. num. 7. quem ipse sequitur, & Sylu. verbo interdictum §. num. 7. qu. 5. vers. Sextum, vbi addit contra Calderin. etiam Clericos posse pulsare suas campanas ad horas notificandas, quod dictum vt verum sit, intelligi debet, cessante omni dolo & fraude, ad commune populi vtilitatem, qui in suis exercitijs regitur pulsû istarum campanarum, vt experientia testatur; Quæ sanè opinio Syluestri mihi in foro conscientia videtur probabilior, cum sententia Calderini in præsumptione fundata sit, & cum Syluestro consentiunt. Nau. in Man. c. 27. num. 177. vers. Duodecimo, in illis verbis aut notificandum horas Cou. vbi supra, & Vgo. Tab. 5. c. 8. §. 2. & significat Henriquez lib. 13. de excomm. & interd. c. 46. §. 1. in fine.

3. Dubium tamen est, An alij instrumentis loco campanarum pulsare liceat, vt fit triduo ante Pascha? Henriquez vbi supra, videtur affirmare hoc esse licitum, dum velit strepitu lignei instrumenti, vel tubæ euocari posse ad officia. Rectius tamen docet Vgol. cit. id non licere, dummodo per ea tunc diuina faciendæ esse significetur laicis. Ratio est, quia censentur loco campanarum; subrogatum autem eius naturam sumit, in cuius locum subrogatur, argu. l. si eum, §. qui iniuriarum, & ibi not. Iasac DD. ff. si quis caur. & idem docet Couar. in d. cap. Alma mater, par. 2. §. 4. nu. 5. vers. Decimo tertio, in verbo Cymbalorum, de sent. excomm. li. 6. ideo autem mentio campanarum solum fit, quia hæc sunt communia instrumenta, quæ de more ad diuina pulsantur, quæ etiam de causa Toletus lib. 1. ca. 20. docet, nec organa pulsari posse.

4. Tertio, pulsari non possunt campanæ pro sepultura Clericorum, nisi in festiuitatibus illis, de quibus infra dicitur. Sic S. Anton. 3. par. tit. 27. de interd. cap. 4. vltra medium. Angelica, verbo interdictum 6. num. 37. Tabiena, verbo interdictum §. num. 12. §. Vndecimo. Henriquez lib. 13. de excomm. & interd. cap. 44. §. 4. & colligitur ex capitulo Quod in te, de penitent. & remiss. Quod enim ibi dicitur cum silentio, non est intelligendum de silentio officij funeralis, quia cum conceditur quod maius est, scilicet dicere Missam, & horas submisit, etiam officium funeralis concedi censetur, vt auctores citati Anton. Angel. Tabien. Henriquez, & alij notant, sed de silentio campanarum.

5. Quarto, pulsari possunt campanæ omnes ter in die ad salutationem Angelicam, cuius meminit gloss. in verbo Zabazala, in Clemen. 1. de iudicis. ita Calderin. vbi supra num. 97. S. Anton. 3. par. tit. 27. de interd. ca. 4. ante finem. Angelica, verbo interdictum §. numero 7. Syluest. verbo interdictum §. quæst. quinta, vers. Sextum. Tabiena, verbo interdictum 6. num. §. Quarto. Nau. in Man. cap. 27. num. 177. Henriquez lib. 13. de excomm. & interd. cap. 46. §. 1. Couar. in cap. Alma mater, par. 2. §. 4. nu. 5. vers. Decimo tertio, qui alios refert, de sent. excomm. lib. 6. Toletus lib. 1. instruat. Sacerd. capit. 20. Ratio est, quia saluatio illa gloriose Virginis, nec officium diuinum est, nec officio diuino, aut ordini annexa. Vbi obiter aduertendum est ex Henriquez lib. 13. cap. 12. §. 4. hunc morem pulsandi ter ad precem Angelicam, sumi ex Psal. 54. Vespere mane, & meridie narrabo. Theodoricus autem Archiepiscopus Colonienfis censetur esse primus, qui instituit, vt mane recitaretur; Et Gagninus in vita Ludouici Xij. Regis Galliarum refert, quod hic Rex instituit, recitari in meridie, quod confirmauit Calixtus Papa III. vt refert Platina in vita eius. Et Ioannes Papa XXI. qui vocari solet XXI. instituit dici vespere in memoriam incarnationis. Refert autem Christophorus Verucchinus Capucinus, in Compendio suarum Meditationum, in fine meditationis decimæ septimæ, quæ est de incarnatione Christi, Patres Capucinos ex institutione S. Bonauenturæ, bis in die, videlicet, vespere, & mane, ad salutationem Angelicam campanas pulsare; vespere quidem in memoriam salutationis Angelicæ, quandoquidem creditur B. Virginem tunc temporis ab Angelo salutatam fuisse; Mane autem, eo quod circa illud tempus a B. Virgine recepit Angelus Gabriel creditor. Huius etiam pulsationis campanarum etiam mentionem faciunt Pan. seu potius Anton. De Butt. in c. 1. num. 2. de offic. custod. inter opera ipsius Panormitani, & Sandoval. de offic. Eccl. par. 2. c. 4.

7. Quinto, pulsari possunt campanæ in aduentu Prælati Ecclesiastici, necnon in aduentu Principis secularis, aut alterius insignis personæ, ex S. Anton. Tabiena, & Henriquez locis citatis, & Syluestro, verbo interdictum §. 9. §. 5. vers. Sextum.

8. Sexto, pulsari etiam possunt pro ostensione reliquiarum ex S. Anton. 3. par. tit. 27. de interd. c. 4. ante finem. Tabiena, verbo interdictum 6. §. Quarto. Nau. in Man. c. 27. num. 177. Henriquez lib. 13. cap. 46. §. 1. post Calder. de Ecclesiast. interd. memb. 6. num. 96.

9. Septimo, pulsari possunt campanæ ad prædicationem verbi Dei, ex S. Anton. Tabien. Syluestro, Nauar. Henriquez cit. Couar. in d. cap. Alma mater, par. 2. §. 4. nu. 5. vers. Decimo tertio, de sent. excomm. lib. 6. Ratio est, quia prædicatione licita est tempore interdicti, & non est officium diuinum, vt supra diximus.

10. Octauo, pulsari possunt pro ostensione literarum Apostolicarum, vel etiam aliarum literarum publicarum ex S. Anton. & Sebast. vbi supra.

11. Nono, pulsari possunt pro gestatione Sacramenti Eucharistiæ ad infirmos, sic S. Anton. 3. par. tit. 27. de interd. cap. 4. circa medium. Angelica, verbo interdictum 6. numero 21. Tabiena, verbo interdictum §. 5. Septimo. Nauar. in Man. cap. 27. num. 179. Henriquez lib. 13. de excomm. & interd. c. 45. §. 2.

12. Decimo, pulsari possunt pro festo, ad significandam populo festi solemnitatem, Ang. verbo interdictum §. nu. 7.

13. Vndecimo, pulsari possunt pro quacunque alia re, quæ non pertinet ad officium Diuinum, sepulturam, & similia ex Angel. verbo interdictum §. numero 7. Tabiena, verbo interdictum 6. §. Quarto. Nauar. in Man. cap. 27. num. 177. Couar. in d. cap. Alma mater. cit. Henriquez lib. 13. cap. 46. §. 1.

14. Duodecimo, pulsari possunt campanæ etiam pro omnibus officijs Diuinis, sepultura, & huiusmodi in festiuitatibus illis, de quibus habetur, cap. Alma mater. Flora de hæc pulsatione campanarum videri possunt apud Anton. de Buttio, in d. c. 1. de offic. custodis, vbi ait campanam diuina Campana, vbi primo vsus eius fuit inuentus. Et de pulsatione campanæ hæc tenet.

Quoad etiam verò, cui ingressus in Ecclesiam interdictus est, licet addatur.

11. Primo enim talis in Ecclesiam ingredi prohibetur, ut ipso verborum propria significatio denotare videtur, & docent Ioan. Calderin. de interdicto Ecclesiastico, memb. 2. vers. Sed queritur. Panor. in c. cum Ecclesia, numer. 5. de immunit. Eccles. Paul. Fuscus lib. 2. de visit. & regim. Eccle. c. 32. num. 7. & Vgolin. de censur. Eccles. Tab. 5. c. 16. §. 1. & colligitur ex cap. is cui, de sent. excomm. lib. 6. vbi ei, cui ingressus Ecclesie interdictus est, per consequens interdicta est celebratio Diuinorum in Ecclesia; Vnde Panor. vbi supra, argumentatur in primis, & vt antecedens simplicem dicitur ei prohibitum esse. At verò alij, vt Innoc. in ca. sacro, verbo ingressum, de sent. excom. & Anch. & Gemin. in d. cap. is, cui, de sent. excom. lib. 6. Nauar. in Manu. cap. 27. num. 170. & Couar. in cap. Alma mater, par. 2. §. 1. num. 3. vers. poterit tamen, de sent. excom. lib. 6. & Alphons. Viuald. tit. de interdicto, num. 153. & Sebast. Medices vbi supra, q. 9. talem in Ecclesiam ingredi posse, & orare quando diuina non aguntur, existimant, ea ratione persuasi, quod excommunicatus in Ecclesia esse possit, ex glos. in capit. studer. i. questio. 1. Quæ tamen ratio parum valet, quia responsio potest, vt respondet Vgolinus vbi supra, idco excommunicatus ingredi posse Ecclesiam, eo quod per excommunicationem solo consortio fidelium priuatus sit, non autem communionem parietum; Cui autem interdictus aditus in Ecclesiam, illi speciatim prohibetur ingressus in eam. Quamuis igitur, si verborum significationem in suo rigore consideremus, opinio prima vera esse videatur, quia tamen rigor iuris nonnumquam temperandus est, & odia, quantum fieri potest, restringenda sunt, hanc secundam sententiam æquitati magis conformem esse puto, immo accedente fere communi Doctorum consensu, vt Ianus lib. 4. cap. 7. Decimus octauus modus, diximus, hanc etiam ipsi iuri magis consonam esse existimo, ita vt iura, que ingressum in Ecclesiam prohibere videntur, intelligi debeant de ingressu publico, & tempore celebrationis, vt eo in loco, exposuimus. Siue igitur hoc interdictum ab homine, siue a iure latum sit, (nam de vtroque agitur in d. cap. is, cui, ex glos. ibi, in verbo interdictus, & Anchar. ibi.) in Ecclesiam modo exposto ingredi nequit; Quod procedit, quocumque se interdictus iustificatur, quia interdictum personæ inhaeret, & Ecclesia vbiq; vna est, licet varijs in locis sita sit. ex glo. in cap. si quis presbiter, 7. quest. 1. & Anton. de Butr. in cap. 2. num. 3. de offic. deleg. lib. 6. procedit etiam in Ecclesia interdicta, cum enim hæc Ecclesie immunitatem retineat, vt notat Panor. in capit. penult. num. 3. de immunita. Eccles. nec in eam sic interdictus ingredi valet; sicut neque in Ecclesiam non consecratam dum diuina officia celebrantur ingredi poterit, dummodo auctoritate Episcopi fuerit erecta, cum & hæc immunitate Ecclesie consecrata gudeat, vt habetur in cap. pen. & ibi Panor. de immunit. Eccles. & glos. in capit. fina. in verbo, Non consecrata, de consecrat. Eccles. vel altar. Calder. de Eccles. interd. memb. 2. Anchar. & Gemin. in d. cis cui.

18. Secundo, Talis neque in Ecclesia diuina facere potest, vt colligitur ex d. cap. is, cui de sent. excomm. lib. 6. & DD. & Glo. in c. 2. in verbo, interdictum, de censur. lib. 6. Innoc. in c. sacro, numer. 2. in verbo ingressum, de sent. excom. in anteq. & Panor. in c. cum dilectus, num. 20. de consuetud. Immo verò neque in festis illis diebus, qui habentur in c. Alma mater, §. in festiuitatibus, de sent. excomm. lib. 6. diuina facere potest; quamuis enim tunc interdictis permiffum sit, vt diuinis interfint, non tamen vt Diuina faciant eis concessum est.

19. Tertio, Non potest Sacramenta in Ecclesia ministrare, sed ratones allatas, vt expresse docent Innoc. in d. c. sacro, num. 2. & Vgo. Tab. 5. c. 16. §. 2. num. 3.

20. Quarto, Alteri Diuina facienti sic interdictus in Ecclesia inferuire non potest, non modo vt Clericus, sed neque vt laicus, cum ei ingressus in Ecclesiam, vt diximus prohibitus sit, ex Philip. Franco, in d. cis cui. Immo verò, etiam si Sacerdos extra Ecclesiam sacra faceret, sic interdictus in Ecclesia illi inferuire non potest, vt cautando Epistolâ,

aut Euangelium, vt Subdiaconus, aut Diaconus, job rationes allatas. Sic Calder. cit. & Anchar. in d. cis cui, numero 1. vers. ad idem, & Gemin. in d. cis cui, numero 8. Sed licet si Sacerdos in tra Ecclesiam Missam faceret interdictus iste extra Ecclesiam seruire potest, legendo Epistolam, vel Euangelium, vt auctores citati docent, & sequitur Vgol. Tab. 5. c. 16. §. 2. nu. 2. Quia huiusmodi functiones accessoriae cum sint naturam sui principalis sequuntur, arg. c. accessorium, de leg. iur. lib. 6.

21. Quinto, Sic interdictus, nec interesse Diuinis in Ecclesia, dum ab alijs sunt, nec ibi Sacramenta recipere, nec priuatas orationes tempore quo celebrantur diuina in ea facere potest. Ratio est, quia ei ingressus in Ecclesiam prohibitus est, atq; cap. is cui, de sent. excomm. lib. 6. & expresse docent Innoc. in d. cap. facto, num. 2. de sent. excom. mon. Felin. in cap. A nobis, num. 6. de except. Couar. in d. ca. Alnia mater, par. 2. §. 1. numer. 6. Alph. Viuald. tit. de interd. num. 152. Vgolin. Tab. 5. cap. 16. §. 3. num. 1. Dixi, in Ecclesia, quia extra Ecclesiam omnia, vt prius facere potest, & consequenter Episcopus sic interdictus, quia priuilegium

hoc habet, vt extra Ecclesiam Missam celebrare possit, vt in cap. fina. de priuileg. libro 6. habetur, (& idem de alijs, qui simile priuilegium habent, dicendum est) extra Ecclesiam Missa Sacram facere poterit; immo etiam & in priuatis oratorijs, vt docent Calderia. cit. Gemin. in d. cap. is, cui, §. fina. num. 7. & Anchar. ibi, & glos. ibidem, in verbo in ea, de sent. excom. lib. 6. Item in Cemeterio Ecclesie, & hoc etiam si Cemeterium illud Ecclesie contiguum esset, ex glo. in d. ca. is cui, in verbo Cemeterio, & ibidem Franc. in glos. in verbo, in ea. Ratio est, quia limitata causa limitatum producit effectum, arg. l. in agris, ff. de acquir. rer.

23. domin. Ad verò hoc interdicto, solum prohibetur hæc facere in Ecclesia; & quia interdictum hoc personæ inhaeret, non autem Ecclesie; vnde extra Ecclesiam & diuina facere, & facienti inferuire, & diuinis interesse, & etiam Sacramenta sic interdictus administrare potest, ex glos. in cap. is cui, in verbo in ea. Anchar. ibi, num. 1. & Gem. nu. 4. & Franc. de sent. excom. lib. 6. Panor. in c. cum dilectus num. 20. de consuetud. Anton. de Butrio, in cap. 2. num. 3. de offic. deleg. Nauar. in Man. cap. 27. num. 170. Couar. in cap. Alma mater, par. 2. §. 1. num. 3. vers. sub hac verò definitione, de sent. excom. lib. 6. quos refert, ac sequitur Vgolin. Tab. 5. c. 16. §. 3. num. 2.

24. Sexto, sic interdictus, si durante interdicto moriatur, neque in Ecclesia, neque in Cemeterio sepeliri potest, nisi penituerit, vt expresse habetur in cis cui, de sent. excomm. lib. 6. & DD. ibi, vt Franc. & alij, & Innoc. in cap. sacro, nu. 2. de sent. excom. in antiq. Vgol. Tab. 5. c. 16. §. 4. numer. 1. Dixi, nisi penituerit, tunc enim in loco sacro sepeliri poterit, vt in d. cap. is cui, habetur Ioann. And. & Philip. Franc. ibi, & Cou. in cap. Alma mater, par. 2. §. 1. num. 3. de sent. excomm. lib. 6. Non tamen inter se consentiunt Doctores in ratione assignanda huius dicti. Nonnulli enim vt Ioann. Bernard. Diaz in prac. criminali, c. 121. in fine, id licere putant, quia omnis pena delicti morte finitur. Quæ tamen ratio vt doctè notauit Couatru. cit. parum valet, eo quod etiam in foro seculari propter delictum nonnunquam etiam post mortem procedi solet in penis, vt quando cadauer comburitur, aut inhumatum relinquitur, aut secatur in partes, & c. immo & in foro Ecclesiastico sepe etiam in penam delicti negatur sepultura, vt S. Gregorius in Dialogis testatur se fecisse cuidam Monacho proprietario, & ita etiam videmus aliquando Ecclesiam facere solere, & facit pro hac re cap. cum ad Monasterium, §. 1. de statu Regular. & cap. Quamquam, de visu lib. 6. & latius probat Couar. lib. 1. var. resolu. ca. 1. num. 11. vnde hac ratione reiecta. Couar. vbi supra, hanc assignat: Quia vbi interdictum hoc latum sit in cõtunaciam, nisi penituerit, Ecclesia eum sepultura Ecclesiastica priuare censetur, vbi vero latum sit in penam delicti commissi, & remissi non videtur esse mens Ecclesie in penam delicti post mortem priuare sepultura, sed de hac mente Ecclesia non certò nobis constat, cum præfatum, vt diximus, in locali interdicto Ecclesia etiam post mortem priuare sepultura. Hæc ergo ratio satis probabilis assignari potest, quia etiam quando interdium

Quam fertur in penam delicti, ita respicit ipsam penam, ut tamen pena subordinetur culpæ: unde, hoc ipso quod in morte dantur signa penitentiae, praesumitur cessare culpam, & consequenter etiam censetur cessare pena. Habet autem hoc potius locum in morte, quam in vita, quia in vita semper habere potest remedium absolutionis, ut autem de penitentia innotescat Ecclesiae, recurrendum ad eam est pro absolutione; si verò interdictum sit latum propter contumaciam, & in morte apparuerint signa penitentiae, etiam in loco sacro sepeliri poterit. Ratio est, quia hoc ipso quod praebentur signa penitentiae, cessatur a contumacia; si verò quis moriatur sine penitentia, aut signis penitentiae, tunc quidem in loco sacro sepeliri non potest, ut colligitur ex d. c. is cui, de sent. excomm. lib. 6. Quia eo ipso quod in morte non dat signa penitentiae, praesumitur obstinatus in sua contumacia. Addit autem Io. And. in d. c. is cui, de sent. excomm. lib. 6. hoc interdictum in articulo mortis, per quemcunque Sacerdotem relaxari posse, & est cōmunis DD. opinio; Quod idem dicendum est de omni interdicto personali, ut ex dictis manifestum est.

26 *Septimo*, Sic interdictus bonorum, quæ ab Ecclesia publice, aut priuatum fiunt, particeps est, sic Couar. in cap. Alma mater, par. 2. §. 1. num. 4. de sent. excomm. lib. 6. & Vgol. de censur. Eccle. Tab. 5. cap. 16. §. 4. num. 2. Ratio est, quia ut diximus, hic Ecclesiae communionem non priuatur, sed solum, ne Sacramenta sumat, Diuinis, dum fiunt, interfit, aut si Clericus sit, ne illa faciat in Ecclesia prohibetur unde pro interdictis etiam sic mortuis (dammodo penitentes fuerint) & oblationes recipere, & pro eis orare possumus, ut docet Innoc. in c. finali, de excessu. praelat. & latius a nobis in fine capituli praecedentis ostensum est.

27 *Dubium* solum est, An sic interdictus capax sit indulgentiarum; Huic Respondet Vgol. vbi supra, cum distinctione, si enim speciatim interdictus sit ob contumaciam, a qua non discessit, sic capax esse non potest; si verò ob penam interdictum latum sit, si ea facere possit, quæ forma indulgentiarum requirit, sic eas consequi valet, alias non potest unde, si ad indulgentiam consequendam requirantur peccatorum confessio, & Eucharistiae susceptio, tunc quia hic in Ecclesiam ingredi nequit, nec Sacramenta sumere valet, indulgentias lucrari nequit; quandoquidem ut communiter tradunt DD. quos sequitur Felin. in Serm. de indulgentia plenaria, num. 15. indulgentiæ illis tantum profunt, qui faciunt illud, pro quo indulgentiæ conceduntur. Et de his haec tenentur.

## De Subiecto, ac Ministro interdicti.

### Cap. X.

#### S Y M M A R I U M.

- 1 Interdicere potest quicumque excommunicare, & suspendere valet, & e conuerso.
- 2 Interdici passiuè aliquid duobus modis potest.
- 3 Interdici non omnis homo, sed solus Christianus potest.
- 4 Interdici Christianus omnis, etiam innocens valet.
- 5 Interdici a iure, vel ab homine Papa nequit, & quare.
- 6 Amentes a natiuitate, & pueri vsu rationis non habentes, sub interdicto generali personali non comprehenduntur, & quæ vera huius rei ratio sit.
- 7 Interdici possunt non solum personæ singulares, sed etiam Vniuersitates, Collegia, & Capitula.
- 8 Priuilegium a Papa habens, ne interdici, aut excommunicari possit, a sententijs excommunicationis, aut interdici Ordinarij sui non eximitur, nisi Rex sit, uel Regina, uel Regum filius, aut Religiosus ex eo ordine, & loco, cui priuilegium hoc concessum est.
- 9 Conuentus, & loca pia per Sedem Apostolicam a iurisdictione Ordinariorum exempta, sub interdictis Ordinariorum non continentur.

10 Interdici directè, aut indirectè quidnam sit.

- 11 Ordinarij locorum, quibusnam in casibus per Concilium Tridentinum, contra Religiosos exemptos, non obstantibus suis priuilegijs, procedere possint.
- 12 Exemptus a Papæ potestate, ne ab eo interdici possit, nec in singulari, nec in communi, aliquis esse non potest, & quare.
- 13 Interdicere quilibet potest personas sibi subditas, quibus eas iurisdictionem spirituales fori exterioris habet.
- 14 Papa qualibet loca; & quascunque personas totius orbis Christiani interdicere potest.
- 15 Legatus, & Nuncius Apostolicus quæ loca, & personas interdicere queat.
- 16 Delegatus Papæ, aut alterius quosnam interdicere poterit.
- 17 Subdelegatus tantum aliquando potest, quantum delegatus.
- 18 Episcopus electus, & confirmatus, quamuis non consecratus, loca, & personas suæ Diocesis interdicere potest.
- 19 Episcopus an Clericos, & Ecclesiam sine consensu capituli interdicere possit.
- 20 Episcopus iurisdictionalia contra Capitulum ex consuetudine praescribere potest.
- 21 Praelati inferiores Episcopis iurisdictionem ordinariam fori exterioris habentes sibi subditos interdicere possunt.
- 22 Generalis Religionis, & superiores Monasteriorum sibi subditos interdicere possunt.
- 23 Capitulum an, & quibus in casibus interdictum ad se ferre possit.
- 24 Concilium Generale, vel Provinciale interdicti sententiam valide ferre potest.
- 25 Canonici quinam, & quibus in casibus interdictum ferre poterint.
- 26 Femina, quamuis Abbatisa, uel Priorissa sit, Ecclesiam tamen, aut Clericos Monasterio subiectos, interdicere nequit, & quare.
- 27 Iurdictio spiritualis de facto, & de iure communi Civilem ordinem supponit.

**C**ommunis est DD. sententia, quod quicumque excommunicare potest, etiam suspendere & interdicere potest, & e conuerso; Et similiter qui excommunicari potest, etiam suspendi, & interdici poterit, & e conuerso, haec emittitur sub censura Ecclesiastica continentur in ca. Querens de verb. signific. sic summa Astenis par. 2. lib. 7. tit. 16. §. 7. ante finem. Angelica, uel bo interdictum 3. in principio Syluest. verbo, interdictum 2. num. 3. Tabiena, verbo interdictum 2. num. 3. §. Secundo. Nau. in Man. c. 17. m. 16. Vgol. de cens. Eccle. Tab. 5. c. 1. Henriquez lib. 13. de excomm. & interd. c. 50. §. 1. & Sebast. Medices, par. 2. Summa. tit. 9. q. 7. Toletus lib. 1. in struet. Sacer. c. 9. qui omnes docent eos, qui excommunicare, aut excommunicari possunt, etiam interdicere, & interdici posse.

**Q**uoad subiectum verò seu personam, quæ interdicere aduertendum ante omnia est, aliquid passiuè interdici posse duobus modis; vno modo, ut interdici sit solum priuati officijs Diuinis, & alijs prohibitis in interdicto, & hoc modo late accepto interdicti vocabulo, non solum homines, sed etiam res inanimatae, ut sunt loca, interdici possunt, id est, officijs Diuinis priuari possunt; Alio modo, ut interdici, sit passiuè affici ipsa censura interdicti, & obligari ad eam sententiam seruandam, & ad penam irregularitatis, si non obstante interdicto, Diuina celebrantur, & hoc modo solæ personæ capaces sunt interdicti passiuè, & hoc etiam duobus modis vno modo in seipso, ut in interdicto personali contingit, & sic quocunque modo ferunt secum suum interdictum, & vbiunque celebrantur.